

# Pecyn Cyhoeddus

Rhybudd o Benderfyniadau **Cyfarfod y Cabinet** a gynhaliwyd yn Neuadd Cyngor Ceredigion, Penmorfa, Aberaeron ac o bell ar **Ddydd Mawrth, 6 Medi 2022**

Cyhoeddir y Rhybudd hwn am 5.00pm Dydd Iau, 8 Medi 2022. Y dyddiad olaf i dderbyn cais i alw unrhyw benderfyniad i mewn yw 5.00pm Dydd Iau, 15 Medi 2022 drwy ei anfon at Bennaeth y Gwasanaethau Democrataidd. Daw'r penderfyniadau i rym (os na fydd yna gais dilys i'w galw i mewn) Dydd Gwener, 16 Medi 2022.

**YN BRESENNOL:** Y Cynghorydd Bryan Davies (Cadeirydd), y Cynghorwyr Catrin M S. Davies, Clive Davies, Keith Henson, Wyn Thomas, Matthew Vaux ac Alun Williams.

**HEFYD YN BRESENNOL:** Y Cynghorwyr Euros Davies, Elizabeth Evans, Rhodri Evans, Gareth Lloyd, Caryl Roberts a Gwyn Wigley Evans.

(10.05am - 11.43am)

**45 Ymddiheuriadau**

Ymddiheurodd y Cynghorydd Gareth Davies am nad oedd modd iddo fod yn bresennol yn y cyfarfod.

**46 Materion Personol**

- i. Cydymdeimlwyd â'r Cynghorydd Gwyn Wigley Evans a'i deulu ar golli eu mab.
- ii. Longyfarchwyd pawb a fu'n ymwneud â chynnal Eisteddfod Genedlaethol Cymru, a gynhaliwyd yn y sir ym mis Awst. Diolchodd yr Arweinydd yn bersonol i bawb a fu'n ymwneud â Phentre' Ceredigion a sicrhodd fod yr ŵyl yn llwyddiant.
- iii. Dymunwyd yn dda i'r Cynghorydd Mark Strong, sydd wedi dychwelyd adref yn ddiweddar ac sy'n gwella.
- iv. Longyfarchwyd pawb a gynrychiolodd Ceredigion a Chymru yn ddiweddar yng Ngemau'r Gymanwlad 2022 yn Birmingham. Longyfarchwyd Anwen Butten o Lanbedr Pont Steffan ar gael ei henwi'n Gaptin Tîm Cymru.
- v. Longyfarchwyd y seiclwr Josh Tarling hefyd ar gael ei arwyddo gan Ineos Grenadiers.
- vi. Diolchwyd i'r staff am eu holl waith ac am gydweithio â phartneriaid eraill i sicrhau llwyddiant Rali Ceredigion 2022.

**47 Datgelu buddiannau personol / buddiannau sy'n rhagfarnu**

Datganodd y Cynghorydd Bryan Davies fuddiant personol mewn perthynas ag eitem 53.

**48 Cadarnhau Cofnodion Cyfarfod Blaenorol y Cabinet ac unrhyw faterion sy'n codi o'r Cofnodion hynny**

Cadarnhau bod cofnodion Cyfarfod y Cabinet a gynhaliwyd ar 26 Gorffennaf 2022 yn gywir.

Materion yn codi: Nid oedd materion yn codi o'r cofnodion.

- 49 **Unrhyw ddeisebau a dderbyniwyd**  
Dim.
- 50 **Unrhyw benderfyniadau (os oes rhai) a alwyd i mewn gan y Pwyllgorau Trosolwg a Chraffu**  
Dim.
- 51 **Unrhyw adborth gan y Pwyllgorau Trosolwg a Chraffu sydd ddim ar yr agenda**  
Dim.
- 52 **Ystyried adroddiad y Swyddog Arweiniol Corfforaethol Polisi, Perfformiad a Diogelu'r Cyhoedd ynghylch Adroddiad ar y ffioedd arfaethedig ar gyfer Rheoliadau Lles Anifeiliaid (Trwyddedu Gweithgareddau sy'n Ymwneud ag Anifeiliaid) (Cymru) 2021 gydag adborth gan y Pwyllgor Trosolwg a Chraffu**  
PENDERFYNIAD:  
i. Cymeradwyo'r strwythur ffioedd sydd wedi'u cynnwys yn yr adroddiad (tudalen 2).  
ii. Nodi'r adborth o'r Pwyllgor Trosolwg a Chraffu Cymunedau Iachach.
- Y rheswm dros y penderfyniad:*  
Galluogi'r broses o drwyddedu safleoedd yn ôl gofynion y ddeddfwriaeth newydd.
- 53 **Ystyried adroddiad y Swyddog Arweiniol Corfforaethol Gwasanaethau Prifffyrdd a Gwasanaethau Amgylcheddol ynghylch Strategaeth a Chynllun Gweithredu Ceredigion ar gyfer Gwefru Cerbydau Trydan gydag adborth gan y Pwyllgor Trosolwg a Chraffu**  
PENDERFYNIAD:  
i. Argymhell bod y Cyngor yn mabwysiadu'r Fersiwn ddrafft y Strategaeth a'r Cynllun Gweithredu (Atodiad 1).  
ii. Nodi'r adborth o'r Pwyllgor Trosolwg a Chraffu Cymunedau Ffyniannus.
- Y rheswm dros y penderfyniad:*  
Rhoi cefnogaeth i sicrhau bod ymrwymiad y Cyngor i leihau allyriadau carbon y sector trafndiaeth a theithio yn cael ei gyflawni'n effeithiol, fel y'i cyflwynir yn y Strategaeth a'r Cynllun Gweithredu Sero Net Corfforaethol.
- 54 **Ystyried adroddiad y Swyddog Arweiniol Corfforaethol Porth Gofal ynghylch Rhaglen Cymorth Tai 2022-2026 gydag adborth gan y Pwyllgor Trosolwg a Chraffu**  
PENDERFYNIAD:  
i. Cymeradwyo'r Cynllun y Rhaglen Cymorth Tai (Atodiad 1).  
ii. Cymeradwyo'r Datganiad o Anghenion (Atodiad 2).  
iii. Nodi'r adborth o'r Pwyllgor Trosolwg a Chraffu Cymunedau Iachach.
- Y rheswm dros y penderfyniad:*  
Er mwyn cydymffurfio â phroses ddemocrataidd yr Awdurdod a galluogi i Gynllun y Rhaglen Cymorth Tai gael ei gyhoeddi. Er mwyn cydymffurfio â

chanllawiau Llywodraeth Cymru ac amodau'r grant wrth dderbyn referniw grant y Grant Cymorth Tai.

**55 Ystyried adroddiad y Swyddog Arweiniol Corfforaethol Cyllid a Chaffael ynghylch Cyllideb Refeniw Reoladwy 2022/23 - Perfformiad Ariannol**

**PENDERFYNIAD:**

1. Cymeradwyo'r newid arfaethedig yn y tybiaethau a geir yn y Gyllideb o ran y defnydd a wneir o'r cyllid gwreiddiol o £1m a gafwyd oddi wrth Lywodraeth Cymru fel yr amlinellir yn Adran 2i) a ii) yr adroddiad.
2. Nodi y bydd angen rhoi ystyriaeth bellach i effaith ariannol y Dyfarniadau Cyflog yn ystod y flwyddyn.
3. Nodi'r angen i sicrhau bod Llywodraeth Cymru yn cael ei lobio'n weithredol a'i bod yn gwbl ymwybodol o'r heriau ariannol y mae'r Cyngor yn eu hwynebu.
4. Nodi'r sefyllfa referniw gyffredinol a amlinellir yn yr adroddiad.

*Y rheswm dros y penderfyniad:*

Er mwyn sicrhau bod gan y Cyngor sefyllfa ariannol fantoledig ym mlwyddyn ariannol 2022/23.

**56 Nodi adroddiad y Swyddog Arweiniol Corfforaethol Cyllid a Chaffael ynghylch Adroddiad Monitro'r Rhaglen Gyfalaf Chwarter 1**

Nodwyd yr adroddiad.

**57 Nodi adroddiad y Swyddog Arweiniol Corfforaethol Porth Cynnal ynghylch Adroddiad Rheoli Perfformiad Y Gwasanaeth Adolygu Annibynnol Chwarter 3 2021/22**

Nodwyd yr adroddiad.

**58 Ystyried adroddiad y Swyddog Arweiniol Corfforaethol Porth Cynnal ynghylch Caffael Gwasanaethau Byw â Chymorth**

**PENDERFYNIAD:**

Cytuno i ddyfarnu lleoedd ar y System Brynu Ddeinamig i'r darparwyr sydd wedi bod yn llwyddiannus, yn amodol ar gyfnod segur statudol o 10 diwrnod.

*Y rheswm dros y penderfyniad:*

Sicrhau bod gwasanaethau byw â chymorth yn eu lle i ddiwallu anghenion gofal a chymorth a aseswyd, yn unol â rhwymedigaethau statudol y Cyngor.

**59 EITEM EITHRIEDIG**

Nid yw'r adroddiad ar eitem 59 ar gael i'w gyhoeddi gan ei fod yn cynnwys gwybodaeth eithriedig fel y'i diffiniwyd ym mharagraff 14 o ran 4 o atodlen 12A i Ddeddf Llywodraeth Leol 1972 fel y'i diwygiwyd gan Orchymyn Llywodraeth Leol (Mynediad at Wybodaeth)(Amrywio)(Cymru) 2007. Os bydd y Cyngor yn penderfynu ystyried yr eitem hon yn breifat, ar ôl cynnal prawf budd y cyhoedd, caiff y cyhoedd eu heithrio o'r cyfarfod yn ystod y drafodaeth honno, yn unol ag Adran 100B(2) o'r Ddeddf.

Gofynnwyd i'r Aelodau, wrth ymdrin â'r eitem, ystyried a ddylid gwahardd y cyhoedd a phwyso o'r Cyfarfod.

PENDERFYNIAD:

Peidio gwahardd y cyhoedd a'r wasg o'r cyfarfod

*Y rheswm dros y penderfyniad:*

Ni thrafodwyd y ddogfen yn gyhoeddus

- 60 Unrhyw fater arall y penderfyna'r Cadeirydd fod arno angen sylw brysgan y Cabinet**  
Dim.

**Cadarnhawyd yng Nghyfarfod y Cabinet a gynhaliwyd ar Ddydd  
Mawrth, 4 Hydref 2022**

**Cadeirydd:\_\_\_\_\_**

**Dyddiad:\_\_\_\_\_**